

















曾文定公全集卷之十

南豐後學彭期編訂

謝授中書舍人表

伏承制命授臣試中書舍人者甫上程篇遽塵寵任  
載惟遭遇倍集兢慙中謝蓋聖君難諭之情將欲施  
于號令得當世能言之士然後達於文辭矧今綱理  
四方彌綸庶政肇維新之王度備久簡之官儀計謀  
常越於拘攣注錯舉爲於希濶豈伊凡庶可測高深





方當覺悟邇遐使徧知于上意訓齊內外用丕變於  
羣心尤資演暢之材曲盡丁寧之旨布爲邦典茲謂  
人文顧在臣愚豈堪此選伏惟皇帝陛下超踰千載  
特起一時躬堯帝之聰明而不忘講學集成湯之勇  
智而無倦咨詢惟左右前後之臣有耳目腹心之寄  
尤非淺識所可叨居如臣性實滯蒙器非廣博知自  
何○等○丰○稜○  
强于名節恥陰附於貴權無因緣毫髮之扳援有積  
累丘山之忌嫉晚逢睿聖獨賜收憐褒加特異于常  
倫進用每從于中出猥以五朝之大典屬於一介之



孤生已愧缺然。將安稱此。敢期誤寵。仍置近班。敷導  
訓辭。懼空疎之難強。追參諷議。憂蹇淺之易窮。於風  
波流落之餘。以蒲柳衰殘之質。自循涯分。曷副恩榮。  
雖日月之光。何加於潤色。而天地之德。無待於論思。  
然臣素堅好古之誠。粗識愛君之義。旣抗顏而就列。  
敢恕已以懷私。謹當尋繹舊聞。用闡揚於名命。激昂  
懦志。庶補助於謀猷。仰答主知。誓殫臣節。

按此表聲律委婉中而氣格自異



卷之四

卷之四

—

卷之四

卷之五

27

卷之四



齊州謝到任表

伏奉敕命就差知齊州軍州事已于今月十六日到  
任上訖願以諸生備茲煩使據非其所懼不克堪中  
謝○伏○念○臣○素○乏○他○長○偶○知○好○學○議○先○王○之○制○作○嘗○寃○  
本○原○論○夫○子○之○文○章○頗○探○閫○奧○歷○事○聖○君○于○三○世○與○  
游○儒○館○者○十○年○不○知○苟○曲○以○取○容○但○信○朴○愚○而○自○守○  
比○緣○私○計○請○貳○外○藩○嗟○疾○病○之○餘○生○困○米○鹽○之○細○務○  
方○指○期○於○滿○歲○將○垂○翼○於○故○棲○遽○此○外○遷○處○之○劇○郡○  
維○殷○陽○之○列○壤○實○季○蒞○之○遺○區○習○詐○而○夸○著○流○風○於○



在昔多盜與訟。號難治於當今。凡試用於此邦。必容  
求於強吏。蓋因能而任官者。不違其分。則量力而受  
位者。得竭其材。豈伊儒懦之資。可副浩煩之用。恐殫  
精思。無補毫分。然而由積累以冒恩。實養成之有自。  
此蓋伏遇皇帝陛下。智周萬物。明照四方。在疎遠汗  
賤之中。而察其所守。無左右遊談之助。而知其所長。  
故令覆露之仁。及此滯蒙之質。敢不無忘夙夜。勉盡  
疲駑。行歸于周久。自安於直道。老當益壯。誓無易於  
初心。仰望闕庭。



襄州謝到任表

伏奉敕命就差權知襄州已於今月二十七日到任  
上訖緣同氣之私恩陳便親之微志就更善郡得侍  
安輿中謝伏念臣素堅向學之心幸遇好文之主備  
名儒館十有三年然而三易外邦五回星歲比亦再  
過於雙闕未嘗一對於清光常存傾藿之誠雖知向  
日居有戴盆之勢何以望天而臣昨治濟南最爲煩  
劇野有羣行之盜里多武斷之豪馴致肅清始熄凶  
殘之害自強柔懦頗殫竭蹶之勞今者獲就安閒少



休○疲○鈍○出○觀○美○俗○尤○多○漢○廣○之○高○入○奉○慈○顏○不○憫○汝○  
墳○之○瘁○茲○爲○竊○冒○厥○有○端○原○此○蓋○伏○遇○皇○帝○陛○下○獎○  
引○士○倫○推○崇○世○教○小○藝○片○言○之○善○偏○長○一○曲○之○材○皆○  
欲○養○成○未○嘗○棄○廢○故○令○優○秩○俯○及○孤○蒙○敢○不○拊○慰○此○  
民○宣○明○上○德○永○念○沈○碑○之○舊○自○顧○何○功○未○忘○投○博○之○  
勤○庶○幾○小○補○



洪州謝到任表

伏奉敕命就差臣權知洪州軍州事充江南西路兵馬都鈐轄已于今月二十四日到任上訖撫臨便郡○古○風○邈○矣○令○人○想○見○其○盛○獲奉于親闈總制屬城實兼於故里中謝伏念臣志雖擇善材不過人玩思詩書無出倫之異見遊心翰墨多涉俗之塵言竊食累朝備官儒館智非蚤悟曾不習於人情學匪兼通固難堪於世用茲緣私請得假善藩惟八換於歲暮已四臨於外服幸遇非常之主未奉燕閒實當難得之時獨無稱效儻獲伸于肝



膈冀少益于毫分。伏惟皇帝陛下恭儉愛人聰明好古。卑漢唐之近事。慕堯舜之遠圖。臣敢不上體聖心。勤修民政。奉行寬大方盡瘁於茲時。補助高深。庶納忠於來日。仰望旒宸。



福州謝到任表

伏奉敕命授臣守本官直龍圖閣就差權知福州已  
於今月初九日到任上訖列職內朝分符督府荷收  
憐之俯及省孤陋以何堪中謝伏念臣蹇薄多艱慙  
愚少與遇繼承於興運未進望於清光至于九換歲  
暮常從外徙四臨州部曾未代還茲者備延閣之美  
名假東甌之劇郡顧惟同氣亦預改藩但虞人品之  
輕莫稱主恩之厚然臣最爲寒族實奉偏親臣弟旣  
適於遐陬臣愚固難於遠役理當懇請輒奉冒聞雖



未○賜○於○矜○從○亦○終○寬○於○僭○瀆○頗○識○事○君○之○義○敢○忘○奔  
命○之○恭○惟○皓○首○之○慈○闈○抱○累○年○之○宿○疹○牽○衣○辭○訣○泣  
涕○分○馳○計○音○信○之○往○來○殆○將○萬○里○阻○晨○昏○之○定○省○各  
在○一○涯○足○感○動○於○人○情○况○親○逢○於○孝○治○草○茆○弱○質○素  
依○及○物○之○仁○犬○馬○微○誠○終○冀○因○心○之○恕○再○念○臣○撫○臨  
城○邑○勞○問○士○民○皆○狎○處○於○太○寧○但○遵○行○于○明○詔○則○臣  
實○慚○尸○于○廩○食○曷○補○報○於○寵○霽○皆○出○誤○知○致○斯○冒○處  
伏○惟○皇○帝○陛下○多○能○天○縱○盛○德○日○新○躬○神○聖○之○姿○而  
兼○容○小○善○履○富○貴○之○極○而○深○達○下○情○在○於○隱○恤○之○心



豈閒么微之迹敢不誓殫勤瘁匪懈夙宵懈海微之  
幽荒布德音之寬大承流寵寄方自效於驅馳反哺  
愚情冀尚蒙于憫惻

愚按公至性愷惻屢以養母陳情形之奏牘可見  
宋時寬大上下之情相通如此



思得宜出榮于國



明州謝到任表

臣於去年十二月于江寧府准福州公文送到敕牒  
一道就差臣權知明州當月十八日於眞州據進奏  
官狀准中書孔目房帖子臣乞迎侍老母赴任不行  
已於今年正月二十五日到任上訖預於分土愧在  
長人竊自省循懼無報稱中謝伏惟皇帝陛下有聰  
明睿智固天縱之高姿有恭儉慈仁不世出之琦行  
上嘉堯舜之際下悼漢唐之間以超曠之迹爲可追  
以苟簡之治爲無取甚盛德之事敏於絕倫大有爲



之君○審於在己○所以更張庶政○憂憫百姓之心○至於  
推廣大恩○鎮撫四夷之略○無忘夙夜○匪懈斯須○其志  
之所存○則有孔之卓○其行之以力○則有禹之勤○若夫  
甄序羣材○蒐揚衆論○偏長一曲之善○半辭片說之工○  
遠自巖穴之幽深○旁暨草萊之疎賤○莫不從容賜對○  
以盡其情○委曲因能○以收其用○可謂三代以後特起  
之盛時○千載以來○幾希之嘉會○而臣濫中臺之優秩○  
玷內閣之美名○然而荏苒十年○周流六郡○當陛下關  
四門○以延天下之士○而臣未得一望於清光○遇陛下



開○數○路○以○來○天○下○之○言○而○臣○未○得○少○陪○於○末○議○蓋○茲○  
遠○迹○最○爲○多○奇○故○雖○抱○於○愚○忠○每○自○安○於○靜○晦○竊○恃○  
皇○明○之○必○照○終○期○素○蓄○之○獲○伸○昨○者○爰○自○江○吳○就○更○  
閩○粵○喑○有○畏○途○之○阻○藐○無○將○母○之○因○賴○上○威○靈○致○寇○  
攘○之○熄○滅○屬○時○休○慶○獲○稼○穡○之○豐○登○旣○此○蒙○城○且○將○  
滿○歲○輒○露○由○衷○之○請○果○紓○及○遠○之○仁○召○自○天○涯○還○之○  
闕○下○已○慰○循○陔○之○念○更○諧○拱○極○之○誠○方○攬○轡○以○在○行○  
復○分○符○而○補○外○維○鄞○江○之○列○壤○實○浙○右○之○名○邦○素○號○  
寬○閒○可○容○尸○素○尋○敷○陳○於○奏○牘○冀○迎○奉○於○輕○箕○紆○是○



微情○未回洪造已宵行而祇命甫夕惕以當官眷是  
遐陬○邁此昭旦來廷之國實爲出入之途表海之城  
方始經營之緒仰荷選掄之寄敢忘策勵之勤矧皆  
稟於成規庶可圖於薄效再念臣比更遠守久去偏  
親○出自推恩幸茲易地環走已臨於新部相望猶邇  
於舊封仰晞天日之光未親戶牖俯計晨昏之戀尚  
隔庭闈眇是羈單了無黨助每益堅於已志獨有待  
于主知自效驅馳敢廢資忠之義庶依長育未愆致  
養之私○傾葵藿之一心○極蓬茆之丹懇論疇有在之



死無渝

曾文定公集

卷之十

表

十



亳州謝到任表

咸原作越

盡游泳

盡原作蓋

潛

原譌作階

撞

原譌作撞



亳州謝到任表

伏奉敕命就差權知亳州軍州事已於今月十六日到任上訖比從閩粵中易句章益起堅城以強表海之勢閤開列館以待來廷之賓皆承規畫之餘方始經營之緒程工省費俾無靡敝之材計力與庸俾無發召之役以至屬材能而董事分什伍以庀徒已略具於科條可粗施於士吏身方督作匪懈于服勞法有避親遽蒙于易地竊陪京之寵寄申將母之微情輒冒恩榮何堪報稱中謝臣竊觀前籍所載千載以



來○大○道○鬱○而○未○彰○莫○承○於○古○王○者○疏○而○不○作○無○甚○茲○  
時○在○理○可○推○久○衰○必○復○去○五○代○八○姓○寢○微○之○弊○肇○自○  
宋○興○承○一○祖○四○宗○不○顯○之○謨○實○在○陛○下○蓋○繇○體○粹○精○  
之○睿○質○執○剛○健○之○純○誠○運○獨○斷○之○明○則○天○清○水○止○昭○  
不○殺○之○武○則○雷○厲○風○行○故○能○並○起○百○工○咸○熙○庶○績○追○  
二○帝○三○王○之○甚○盛○行○兩○漢○有○唐○之○所○難○使○天○地○人○神○  
莫○不○順○序○雨○暘○寒○燠○罔○或○違○時○厥○戴○德○者○田○畊○井○飲○  
之○倫○盡○遊○泳○於○遐○邇○之○內○其○蒙○澤○者○蟄○潛○姬○伏○之○類○  
無○殞○殪○於○胎○卵○之○中○寶○鼎○靈○芝○聲○流○于○樂○府○來○舜○嘉○



穀實刲于太倉。至於武庫。斂藏之兵。羽林閱習之伎。匠盡其巧。而工竅擅於一時。士盡其材。而精銳軼於近代。威靈所覆。夷貉允懷。是以扶桑戴斗之區。度索尋撞之國。來於四海之外。曾無一歲之虛。蓋令不待期而萬里奔走。治非有迹而九域阜安。可謂不世之宏休。難名之盛烈。夫應之福者。既極其厚。則報其貺者。必盡其隆。方當秩盛禮。大樂之文。薦諸清廟。采增封廣禪之義。類于名山。於以較著日新。拔出之顯庸。闡布天錫。永昌之大業。臣性姿固塞。人品眇微。獨於



管文定公集 卷之一  
輩流素嗜文學如得鏤諸金玉述陛下赫赫之功播  
在筦絃紀陛下巍巍之德措之六藝而無愧告諸百  
世而無疑庶幾不後古人可以昭示來者存于肺腑  
積有歲時然臣籍雖預于內朝身屢更于外服已凋  
零於齒髮久轉走於東南曾未得廁望塵于清蹕之  
閒參第頌于從官之後惟堅惻惻欲效毫分今者獲  
便養于親闈預分憂于輔郡上體焦勞之意敢忘夙  
夜之勤宣化承流方盡駑駘之力望雲就日但傾葵  
藿之心注仰冕旒

厠原作側



謝賜唐六典表

伏蒙聖慈賜臣唐六典一部者、冒貢微誠、敢徼寵賚、  
獲盈私望、特出異恩、中謝竊以繼貞觀之造邦、維開  
元之稱治、財成唐典、本庶務于尚書、則象周官、綴舊  
聞于經禮、行之當世、垂及方來、伏遇皇帝陛下、接五  
聖之休期、振千齡之絕業、號令風采、卑秦漢而不言、  
綱紀文章、體唐虞而特起、爰因廣覽、俯逮遺編、俾加  
鏤板之傳、賜及在廷之士、願最疎之庸、下忘輒請之  
妄、逾猥荷并容、預均蕃錫、敢不自強、衰退、悉意闕尋



竊典故之緒餘少裨寡陋審官儀之委曲益勵疲駑



英宗實錄院謝賜御筵表

伏蒙聖慈以臣等編脩英宗皇帝實錄今月十四日  
開局賜臣等御筵者方次舊聞已叨優禮省循非稱  
慚負失容中謝伏以先帝功德之殊將傳後世儒者  
文章之用正在此時猥以空疎誤當屬任甫磨鉛而  
就職遽置醴以均恩寵異羣司幸踰素望此蓋伏遇  
皇帝陛下永懷先烈務廣孝思故因始於信書俾特  
封于燕豆所懼不能名乾坤之至德摹日月之大明  
上以副陛下顯親之心下以盡愚臣歸美之志惟粗



明于書法庶少補于素餐。

臣于燕豆視黜不銷各諱故文至勝事日月之大開  
皇帝陛下永勤天恩得親奉恩慈因故先發書翰其  
親親影置顯以良恩竊具華同幸備素望以蓋升既  
文章之民五亦此知題以空寂題當親王前親體而  
謝員夫容中攝升以去帝位盛之極難於此而  
開具顯臣等時與法式大書間日以愛顯書而永所  
外蒙聖慈以臣等識前英宗皇帝實繼今凡十四日  
英宗實繼到福顯時與夫



賀熙寧四年明堂禮畢大赦表

今月十三日樞密院遞到赦書一道以宗祀明堂禮畢大赦天下臣已卽時集軍州官吏將校等宣布訖伏以奉承聖考升配上天秩盛禮于法宮推大恩于率土中賀伏惟皇帝陛下有聰明好古之質有恭儉愛人之誠兢畏萬幾仔肩一德燔柴展報旣昭告于元功嚴父致隆又推明于極孝越成釐事均布鴻休草木昆蟲皆令受賜華夏蠻貊莫不歸仁臣心係北辰身縻東土永懷故事難求汶上之圖獨遠清塵方



歎周南之滯。

平水縣志言今少卿奉夏傳誥身不歸而  
其叔類父延劉文並復于聽卒然知諸事  
父人之歸故身有幾存自一處欲樂與  
平土中實外卦皇帝對不存願即投古之  
為以奉承望故長猶土天無溫顧千老宮  
華大慈天不國石明和果軍故官文維外  
今日十三日顯密劉張陸姓書一歲以宗  
寶照章四平與堂縣早大慈夫



賀熙寧十年南郊禮畢大赦表

今月初七日遞到赦書一道以十一月二十七日南郊禮畢大赦天下者臣已集軍府官吏將校軍民等宣讀訖伏以人之所歸者莫如德天之所享者在于誠其惟聖王克有全美中賀伏惟皇帝陛下聰明稽古承繼祖宗慈惠愛人撫臨邦國有徧覆并容之大度有防微慎獨之小心不從遊畋不近聲色無紛華盛麗之好無便僻側媚之私歲時吉蠲以承七廟左右順適以奉兩宮其功施於人效見於事則宅仁由

表

十六



義縉紳之徒成材于學校。超距蹋鞠。熊羆之旅。養勇  
於營屯。甌窶汚邪之收。充於倉廩。關石和鈞之利。阜  
於市廛。家有豫樂之聲。人無愁怨之色。協氣所召。休  
應自殊。鈞陳太微。星緯咸若。崑崙渤解。波濤不驚。近  
則金石之聲。鳥獸忻蹈。遠則干羽之舞。蠻夷駿奔。象  
齒旅于闕庭。龍媒納於閑廐。是謂六府三事。皆可以  
歌。四海九州。罔不幸俾。蓋巍巍而特起。非瑣瑣之能  
闕。前世議泰山之封。謀梁父之禪者。度崇比大。疇克  
登茲。陛下抑而不圖。謙以自牧。以謂先后創業垂統。



其功莫得而名。上帝隕祉發祥。其德無可以稱。思所以報一本于心。故寅畏嚴恭。積之有素。而齊明薰祓。進而益虔。在於物者。不取其煩。盡諸已者。必求其實。是以蕭光之烈。奏于宗祊。柴燎之蒸。焜於郊兆。幽隱昭答。神靈顧懷。無疆惟休。方寢昌于萬世。不敢專享。故敷錫于羣元。稽參典彝。定著赦令。弛張從理。同異稱情。蠲罪肯而棄瑕。疵錄勞能。而縱逋負。顯晦咸暨。洪纖不遺。萬國之歡。旣交於冲漠。一人之慶。遂及於蚊蠕。孚于上下之間。極乎帝王之盛。臣被學最舊。蒙



恩寢深莫侍甘泉之祠。獨歎周南之滯。第從臣之嘉  
頌。未效薄材。望屬車之清塵。但馳遠思。



賀元豐三年明堂禮畢大赦表

今月二十日樞密院遞到赦書一道以明堂禮畢大赦天下者已卽時集軍州官吏軍民宣讀訖竊以昊天無聲之載人莫能名先帝罔極之恩物何以稱維總章之正位秩宗祀之鴻儀可薦至誠用伸昭報中賀伏惟皇帝陛下躬夙成之聖質而博古多聞經特起之大猷而虛心廣覽振千齡之隆緒紹三代之遐蹤霈澤之所涵濡太和之所煦嫗華夏蠻貊無一夫不獲其宜草木蟲魚無一物不遂其性爰求祭典用



告○王○功○蓋○諸○儒○之○說○爲○不○經○則○折○衷○于○孔○子○而○近○世○  
之○事○爲○非○古○則○取○法○于○周○公○罷○黜○異○端○推○明○極○孝○以○  
尊○莫○大○于○祖○故○郊○于○后○土○以○配○天○以○本○莫○重○于○親○故○  
享○于○合○宮○以○配○帝○恩○義○兩○得○其○當○情○文○皆○盡○其○詳○徹○  
俎○云○初○均○釐○甚○廣○君○哉○皇○矣○實○難○遇○之○昌○期○巍○乎○煥○  
焉○信○非○常○之○盛○禮○臣○幸○逢○熙○洽○未○奉○燕○閒○一○違○前○蹕○  
之○音○四○遇○親○祠○之○慶○青○雲○多○士○皆○預○橋○門○之○聽○觀○黃○  
髮○孤○生○獨○嘆○周○南○之○留○滯○



謝熙寧五年曆日表

進奏院遞到宣頭一道伏蒙聖恩賜臣熙寧五年曆  
日一卷者竊以振舉舊章推明新曆欲謹天時之正  
俾諧人事之宜藐是孤生與均寵錫中謝伏惟皇帝  
陛下力行大道停敘彝倫贊天地而平四時理陰陽  
而成萬物爰茲頒朔咸暨有邦臣敢不深究土風詳  
求氣序躬勸耕桑之業輔成坯冶之仁



謝熙寧六年曆日表

進奏院遞到宣頭一道熙寧六年曆日一卷賜臣收  
管者一與外符之寄再蒙班曆之恩久矣去朝幸茲  
拜賜中謝竊以天地陰陽之動不得違時虫魚草木  
之生必皆有政故茲告朔宣布有邦伏惟皇帝陛下  
兢慎萬幾協諧五紀式謹王正之授俾知民事之常  
臣敢不動靜詳觀夙宵祇奉庶召和平之氣用裨化  
育之仁



謝熙寧七年曆日表

進奏院遞到宣頭一道賜臣熙寧七年曆日一本者  
顧慚孤拙與被寵靈中謝竊以陶唐之定四時稽于  
曆象虞氏之齊七政審以璣衡蓋求於天道者能盡  
其宜則施於人事者不違其序伏惟皇帝陛下聰明  
好古仁厚愛民深原制作之方務協生成之理存於  
垂憲尤重預正臣久去闕庭遠臨藩服惟竭遵承之  
力庶符欽順之心



謝熙寧八年曆日表

進奏院遞到宣頭一道賜臣熙寧八年曆日一本者  
竊以治曆于中所以察天時之運動班正于外所以  
一王度之推行舉是彝章施于有土中謝伏惟皇帝  
陛下至仁不世盛德無名協五紀以遂羣生合二儀  
而成萬化廼明告朔咸俾守藩臣敢不悉心究詳勵  
精遵奉庶盡承流之效俾無作事之違



謝熙寧十年曆日表

進奏院遞到宣頭一道熙寧十年曆日一卷賜臣者  
竊以推行歲時天道所以化育考正曆度人事所以  
財成故頒朔之舊章爲守邦之先務伏惟皇帝陛下  
德兼載疇仁及昆蟲體履中和敘九疇而開物欽明  
象數齊七政以導民臣獲奉王正親承聖詔念闕庭  
之方遠藐然江上之身感星晷之屢新尚歎周南之  
滯



謝元豐元年曆日表

進奏院遞到宣一道賜臣元豐元年曆日一卷者一  
遠闕庭十移星曆顧凋零於齒髮無報補於毫分中  
謝伏惟皇帝陛下敘大禹之九疇齊有虞之七政陰  
陽寒暑罔不若時草木昆蟲舉皆遂性循用頒正之  
典寵詒分土之官臣幸備守藩預聞告朔去親方遠  
已○驚○歲○月○之○新○許○國○雖○堅○更○歎○功○名○之○晚○惟○體○在○民  
之○意○庶○俾○及○物○之○仁○



謝元豐三年曆日表

進奏院遞到宣一道賜臣元豐三年曆日一本者竊以脩人事者必也正時明天道者在于治曆爰從頒布俾一奉承中謝伏惟皇帝陛下則大居尊體元凝命成六府三事之敘合志于虞遂八政五紀之宜同方于禹是遵人統用謹王正獲以守邦預於受朔勸○豳土畊桑之業方務承流采堯民作息之歌庶知戴○



進奉熙寧八年同天節功德疏表

伏遇皇帝同天節臣預於本州天慶觀驚嶺興化禪  
院大殿上建置道場一月日及設齋功德疏各一軸  
金鍍銀軸頭紅羅複封全上祝皇帝聖壽者竊以績  
禹撫期蓋自天而開迹生商肇祚實與世以爲歸故  
預託於坏鎔皆永思於戴燾中賀伏惟皇帝陛下性  
由仁義德備聖神維候紀于長羸屬祥開于震夙是  
敢致嚴道妙嚮意佛乘庶將不轉之心用獻無疆之  
壽



賀克伏交趾表

伏覩進奏院報安南招討司已克伏交趾其首領李  
乾德具表乞降者螻蟻之微自投必死乾坤之大終  
許更生惟德及於幽遐實慶均於中外中賀伏惟皇  
帝陛下順稽古憲敘正民彛聲教於四方一書文  
於萬國○喑海隅之昧俗肆井底之狂謀○聖恩所懷凶  
氣自失雕題交趾心服于威靈大賂南金歲遵于貢  
職允出止戈之武是稱無敵之仁臣遠守藩維獲聞  
捷奏永懷竊抃實倍常情臣伏恨職守所拘不獲稱



曾文定公集 卷之十一  
慶闕庭

慰慈聖光獻皇太后上仙表

今月二十日太皇太后遺誥奄棄宮闈者承問震驚  
失容號慟臣某誠悲誠感頓首頓首伏以太皇太后  
表儀三世德首于人倫保佑兩朝功存于王室遽違  
孝養未究遐齡無間近疎實均欷慕伏惟皇帝陛下  
痛貫宸極聖情難居臣伏恨方守印章不獲躬詣闕  
庭



代皇太子免延安郡王第一表

伏奉制命蒙恩特授臣檢校太尉開府儀同三司充  
彰武軍節度使進封延安郡王者寵踰於德愧甚於  
榮輒露微誠仰干睿聽臣某誠惶誠恐頓首頓首竊  
以衮衣備物禮均上宰之崇土宇分封位列眞王之  
貴非智能足以謀國勞烈足以及人屬在休明詎容  
玷冒若臣者侗然固陋眇爾穉蒙雖甫逮勝衣習爲  
容於趨拜而方思就傅賴齒學之漸磨庶幾識古今  
之通方知國家之大體施于爲已可以持循必也當



官○覬○無○違○曠○已○叨○分○於○將○鉞○復○誤○假○于○公○圭○虛○冒○鴻○  
私○未○伸○薄○效○敢○圖○獎○渥○荐○及○謏○微○眎○儀○數○于○三○台○超○  
爵○名○于○五○等○既○加○真○食○仍○益○爰○田○固○非○錄○善○而○量○能○  
又○異○校○勞○而○數○最○將○安○稱○此○自○顧○缺○然○而○况○皇○帝○陛○  
下○處○父○子○之○閒○常○先○義○訓○君○臣○之○際○每○徇○公○言○伏○望○  
察○臣○精○懇○之○由○衷○不○顧○小○嫌○之○反○汗○許○還○新○命○俯○遂○  
微○情○使○臣○得○奉○定○省○于○晨○昏○稍○安○幼○志○報○生○成○于○天○  
地○更○待○壯○年○以○效○封○拜○外○太○保○開○祿○贈○同○三○司○文○



代皇太子免延安郡王第二表

伏蒙聖慈以臣所上表陳乞蒙恩授臣檢校太尉開  
府儀同三司充彰武軍節度使進封延安郡王特賜  
批答不允者輒布愚衷未回宸聽仰闕誨諭彌集兢  
慚臣某誠惶誠恐頓首頓首竊以明德懿親在天功  
而有助隆名重器爲國論之所歸然後材位不浮望  
實相稱若臣者夙依煦育生處深嚴雖無好弄之心  
甫逮垂髫之齒方圖講學知臣子之大方庶得周旋  
奉君親之素教敢意靡緣續用荐被寵靈遂兼將相



之榮仍極王公之貴。雖參諸邦典。或故事之可循。而  
質以人情。實煩言之可畏。顧茲冲昧。尤積震惶。伏遇  
皇帝陛下。新一代之彛章。革千年之流弊。方循名而  
責課。以官方而任人。其於明信賞罰之科。必先於近  
然。則推至公之誼。宜始於臣。惟特寢于誤恩。可曲全  
於拙分。使乾坤之施。不累于私親。則塵露之微。庶幾  
于報上。



代皇太子延安郡王謝表

伏奉制命除授臣檢校太尉開府儀同三司充彰武  
軍節度使進封延安郡王再奉表陳乞蒙賜批答不  
允仍斷來章者祇膺詔版彌積醜顏蓋崇大于宗藩  
以盛强于帝室豈伊獎渥可假幼冲中謝伏念臣器  
匪鳳成材無特異徒歸依于鞠育每親炙于高明欲  
善在身忘髦髦之至弱知書可學慕佔畢之相從庶  
繇受教於童蒙覬獲成能於壯大敢意攬攸司之密  
啓循歷世之彛章寵以官儀體均於丞弼垂其爵列



秩右於公侯。揣稱何堪。踰涯已甚。知隆名之難冒。追  
大號之既行。控避莫從。震惶滋集。此蓋伏遇皇帝陛  
下。心潛高厚。智極精微。推廣愛之仁。以隆于父子。盡  
大公之義。以篤于君臣。故舊典之當行。雖至親而莫  
閒。致茲異數。猥及謗能。臣敢不仰體聖懷。勤遵慈訓。  
省躬擇術。庶不蹈於匪彛。曩臨事知方。或可收於近用。



代皇太子延安郡王謝皇太后表

伏奉制命除授臣檢校太尉開府儀同三司充彰武  
軍節度使進封延安郡王再奉表陳免蒙賜批答不  
允仍斷來章者竊以盛威儀於宰路以重朝廷強形  
勢於宗藩用臨方夏宜兼獎渥屬在親賢誤及幼冲  
倍深兢懼中謝伏念臣蒙休宸極託蔭慈闈未闕六  
甲之書甫在兩髦之歲揆材至薄曾無特異之資知  
善可遷竊有自強之志已塵高位愧乏微勞詎意仁  
恩更崇命秩抗等威於元宰躋爵列於真王自顧空



疎將安報稱。此蓋伏遇皇太后殿下。輔成世教。陰厚  
人倫。均至愛於諸孫。假餘光於穉齒。致茲異數。猥被  
謨能。敢不自勵。童蒙嚮慕日新之益。庶幾壯大。仰酬  
坤育之私。

外皇太子。聖安。王。攝皇太子。伏  
外皇太子。聖安。王。攝皇太子。伏



代皇太子延安郡王謝皇后牋

伏奉制命除授臣檢校太尉開府儀同三司充彰武  
軍節度使進封延安郡王再奉表陳免蒙賜批答不  
允仍斷來章者異其恩數兼將相之殊榮尊以爵名  
極王公之寵列雖優隆於天屬必考察於人材假是  
幼冲懼非宜稱臣某以感以懼叩頭伏念臣性非蚤  
悟學未少成徒依均養之私甫及垂髫之始已蒙休  
于帝所獲備位于宗藩豈意慈憐更加褒進夫位崇  
者德厚祿重者功高而臣無可錄之勞能冒非常之



禮秩此蓋伏遇皇后殿下彌綸內治則象坤元惇鞠  
育之至仁推獎成之素志致茲渥澤誤及童蒙敢不  
盡子職之微勤無忘砥礪荅母儀之大賜庶補毫分  
謹奉稱謝以聞臣以感以懼叩頭謹牋



代翰林侍讀學士錢藻遺表

犬馬之質難駐於頽齡日月之光尚攀於愛景臣藻  
誠悲誠哽頓首頓首伏念臣出於悴族進以謏材文  
辭講說制策之科衆稱華選儒館掖垣經帷之職世  
謂清塗獨徧竊於美名蓋親逢於亨運至于總銓衡  
之要劇領京邑之浩煩茂有勞能可論報稱冒寵靈  
而過厚致災疢以交攻迫霜露之所侵且將漸盡幸  
髮膚之無毀得以全歸方去闕庭長投泉壤輒陳遺  
志猶及能言伏願皇帝陛下御六氣之和慎調興止



享萬年之祚。永庇華夷。再念臣偷殘息之僅存。覬餘恩之可丐。敢祈仁睿。終賜矜憐。臣有男進士崑孫男某。親堂弟茂。共出寒鄉。稍親薄技。葑菲不棄。儻微祿之獲霑。魚菽可供。庶游蒐之未餒。伏望聖慈。並于文資內安排。妄茲干澤。愧在忘廉。保存沒之孤蹤。託始終之大賜。生而無益。曾莫及於啣環。死或有知。猶庶幾於結草。



代宋敏求知絳州謝到任表

伏奉敕命差知絳州軍州事已於某月某日到任上  
訖備官無效竊寵過優尚聯清近之班仍獲安閒之  
幸中謝伏念臣器非閎遠性不敏明徒嗜好於文章  
寢推移於歲月濫名儒館接武朝紳與釐坰牧之蕃  
參蒞神州之劇進聞邦計出假使符會仁祖之升遐  
圖信書之示後起於衰病寄以討論旋躋右史之華  
遂冒西垣之選惟茲典禮屬在奉常猥用滯蒙首當  
總領悉心謀慮雖務竭於愚忠妄意變通遂自垂於



素論實干昭憲。奚追嚴科。荷屈法以伸恩。止奪官而  
補外。罪浮於罰。慙溢於顏。何僥冒之使然。實務全之  
有自。此蓋伏遇皇帝陛下。乾剛獨斷。坤厚兼容。躬親  
庶政。而照之以明。付用羣材。而養之以恕。故俾兼榮  
於近侍。尚容竊食於外邦。仰戴生成。將安補報。敢不  
服勤夙夜。期練達於政經。延見吏民。以布宣于上德。  
庶收來效。少答鴻私。仰望闕庭。



代太平州知州謝到任表

伏奉敕命差知太平州軍州事已于某月某日到任  
上訖惟此方彫瘵之舊屬比歲凶饑之餘任在拊循  
懼無稱效中謝竊念臣受材不敏託勢甚微竊卽位  
之寵名濫憲臺之優選因蒙中詔獲備外邦方喜便  
于庭闈遽已罹于家禍苟全生理復齒班榮用久次  
而得州以親嫌而易地低回積日黽勉至官忽被新  
恩復還舊印江湖孤蹇之迹道路奔馳之勞甫茲卽  
安敢忘盡瘁自惟蕞爾何以及茲茲蓋伏遇尊號皇



帝陛下日月之光旁照萬物天地之德平施四方猥  
致妄庸誤蒙器使當力行于寬惠上副至仁惟少假  
于寵靈庶成薄效



代太平州知州謝賜欽恤刑獄敕書表

進奏院遞到敕一道，賜臣欽恤刑獄者，屬在煩暑，聖躬無倦于焦勞，言念繫囚，恩旨遂加于惻憫。中謝伏尊號惟皇帝陛下，繼祖宗之功德，體天地之生成，發政施仁，恐遺于一物，勝殘去殺，思厝于五刑，謙不自專，動遵故事，眷幅員之至廣，軫圉圉之未空，申明詔以丁寧，飭守臣之撫視，豈止奉行於時令，固足感召於天和，臣與被德音，當宣上意，惟盡哀矜之理，庶符欽恤之心。







曾文定公全集卷十一

南豐後學彭期編訂

應舉啓

伏念鞏材質淺陋○藝學荒蕪○讀聖人之經○未知大義○  
明當世之務○多泥舊聞○雖堅樹立之心○豈適通變之  
用○矧罹禍釁○屢抱憂哀○是以三遇文闈○一踰歲紀○足  
迹不游于場屋○姓名不署于鄉閭○僕僕東南○有衣食  
婚嫁之累○拘拘蚤夜○惟米鹽薪水之憂○今者側聽詔



書購求士類。顧私恩之可念。迫生理之難周。義不自  
皇勢當強起。蓋以出而載贄。無他業之可爲。仕以爲  
貧。亦古人之所處。遇高明之見照。殆否結之將通。伏  
以某官梁棟瓊材。琮璜茂器。發文章之素蘊。當仁聖  
之盛期。忠言嘉謀。施之有效。流風善治。所至可傳。嘉  
獎士倫。助成世教。况親承于著令。方序別于羣材。藐  
是羈孤。最爲滯拙。仰遵舊禮。敢忘桑梓之恭。輒進曼  
辭。庶當鷄鶩之贄。察其素學。采以寸長。盡繫及物之  
仁。惟俟至公之賜。



謝杜相公啓

伏念鞏志雖策勵性實滯頑行不足比古之人材不足適時之用居常齟齬動輒困窮往以孤生而蒙收接又遭大故而被救存非常之恩德所加空知感激無用之技能素定曷有報償至今數千里之閒三四年之後去冬之首方能屬思以爲書積日之勤庶或因辭而見意不謂使者至門之日正值相君失子之初遠瀆高明已難期于省覽况逢哀惻豈能必於薦聞因此復憂懇悃之誠無由自達視聽之側雖推心



之遠大寧責禮於賤微然義未足以論酬而言又不  
得以叙謝其爲私計豈敢自皇伏惟相公當世表儀  
本朝柱石許還私第聖意雖優於大臣召用安車人  
心素望於元老伏祈上爲邦國善保寢興



與劉沆龍圖啓

伏念輦方抱憂哀且多疾病貧不得已則俗事皆當  
自謀旅無所容則世人誰肯見恤今者伏遇知府龍  
圖給事愷悌成德勸勉爲懷忘後進之至微假溫顏  
而與接知其孤立念其數奇謂其有詩書之勤則曲  
加於獎待謂其有衣食之累則特甚於矜憐且使受  
田之獲安實由爲地之至大在甘旨有毫髮之助於  
子弟乃丘山之恩況此餘庥可均敝族雖遠台坐常  
注愚心復得交游之傳愈知意愛之厚自非土石豈



曾文定公集 卷一  
不激昂粗知古今可勝感勵恨當迷塞易用報償而  
方先人之葬送未成偏親之奉養多乏四弟懷仰哺  
之託九妹有待年之期凡糜敝於秋毫皆經營於方  
寸顧惟私計當議遠遊世俗險艱豈諳嘗之不熟性  
靈疎拙實齟齬之可憂未卜趨承更增慕戀



謝解啓

伏○觀○解○文○首○蒙○舉○選○伏○念○鞏○才○非○卓○越○識○匪○該○通○素○  
志○慕○乎○古○人○故○時○情○之○所○背○虛○名○聞○於○當○世○致○衆○忌○  
之○所○排○患○難○艱○危○流○離○頓○挫○孰○有○至○孤○之○迹○敢○萌○希○  
進○之○心○顧○生○理○之○難○周○迫○私○衷○之○可○念○學○而○干○祿○誠○  
匪○素○懷○士○以○爲○貧○竊○將○自○比○是○以○聞○詔○之○出○負○笈○以○  
來○豈○意○片○文○首○塵○高○選○以○至○天○倫○之○薄○陋○子○黨○之○空○  
疎○皆○自○單○平○得○蒙○收○齒○追○惟○會○合○亦○有○端○原○此○蓋○伏○  
遇○某○官○崇○獎○士○倫○助○成○世○教○以○虹○蜺○之○光○而○披○飾○以○



律呂之氣而吹噓致此迤窮階於振發敢不勉增素  
學益勵前修庶全必勝之名以答至公之賜謹奉啓  
陳謝

劉二至曰嘉祐二年丁酉公與長弟牟仲弟布阜  
及妹夫王補之无咎王彥深幾一門六人俱中鄉  
薦見南豐州志



襄州與交代孫頤啓

右鞏伏念講聞譽望積有歲時歷下分符已出吏部  
之後漢南守土又居仁政之前惟事契之稠重實愚  
冥之幸會比於道路始接光儀蒙特異於眷存仍曲  
加於燕勞論情至厚曾何謝於古人處義甚高固可  
敦於薄俗違離未久感戀交深諒惟得日之良甫及  
下車之始願條多預納福甚隆伏惟知府少卿積學  
內充懷材閒出久更當世之用自結明主之知高冠  
兩梁入綴班于九列輕車駟馬出按部于百城方圖



曾文定公集 卷一  
閒燕之宜自請蕃宣之便佇膺詔召不待歲成更惟  
上爲廟朝善綏寢饋禱頌之至序述寧殫

回泉州陳都官啓

竊審祇奉茂恩進陞寵秩伏惟慶慰竊以知府都官  
周才經務令德鎮浮席臚仕以彌優簡清衷而有素  
循良之政已洽於民謠恬退之風足輔于世教果膺  
異數進陟名曹側聆成命之行方竊同聲之喜豈期  
厚眷特枉長牋載規謙抑之辭但切感銘之懇



洪州到任謝兩府啓

伏念鞏天與朴愚衆知凡近材不堪於施設動輒乖  
宜學多失於變通理難應用久與游于儒館仍有列  
于朝紳適當千載之期曾乏一毫之補旣不能明國  
家遠大之體爲上建言又未知究鄉閭委曲之情與  
民興利七移歲序四易外官坐尸祿廩之優寂無稱  
效幸屬章程之備得以持循茲蒙補郡之恩俾遂便  
親之請望故鄉而接壤與仲弟以連城及是忝踰出  
於假借此蓋伏遇某官心存博愛量極兼容簪履之

盛事  
瞻代  
罕觀



微○未○忘○於○舊○物○陶○鈞○之○大○不○閒○於○孤○生○曲○致○公○言○俾  
諧○私○計○惟○盡○承○流○之○分○庶○裨○造○物○之○仁○過○此○已○還○未  
知○所○措



明州到任謝兩府啓

伏承敕命授前件差遣已於正月二十五日到任上  
訖伏念羣才無遠用學殆小知誤蒙假器之恩愧乏  
當官之效屬時泰豫遇上休明欲治之心夙追於三  
代非常之旦特起于千齡顧是孤生最爲遠迹雖逢  
辰之難得獨揣己之無堪故羣才銜鬻之初未始自  
陳于薄技而衆論騁馳之際何嘗參預于半辭錙銖  
動謹於成規毫髮敢萌於私見以茲循分庶獲寡尤  
然而一去本朝六祗外服十年荏苒未諧拱極之誠



萬里周流。尚負循陔之念。當至仁之平施。亦微物之  
可哀。茲者方抵詔以在塗。復析符而假守。惟四明之  
窮裔。處百粵之東偏。浮海之航。鼎來於遠國。踐山之  
築。益起於堅城。猥出選掄。冒膺寄屬。此蓋伏遇某官  
輔成世教。樂育士倫。陰推覆護之私。每借吹噓之力。  
致茲頑鈍。與在甄收。然而察無他惡之腸。方賴兼容  
之度。草茆之質。使遂于向陽。菽水之歡。許伸于反哺。  
盡待曲成之賜。俯厭難止之情。誓在縻捐。用酌鈞播。



亳州到任謝兩府啓

伏念鞏少雖好學長乏異能燭理甚疎蓋聰明之難  
強受才素薄顧齒髮之已衰誤竊寵靈叨塵器使茲  
者緣避親之著令蒙易地之推恩距畿甸以非遙就  
庭闈而甚便夫何蕞質廼爾冒居此蓋伏遇某官以  
廣愛之心而輔成世教以并容之度而獎育士倫致  
是顓愚及於推齒慰倚門之望以出於埏鎔謝推轂  
之言敢忘于策勵庶收薄效仰答誤知過此以還未  
知所措



亳州與南京張宣徽啓

蒙易近藩。獲鄰樂境。雖未得就諸生之列。請益于詩書。然足以聞長者之風。仰高于道。誼始敢通。賤記參候之禮。庶幾將心誠饑渴之勤。載省孤蒙。實爲幸會。今者杪秋伊始。嚴氣將升。仰惟吐納之宜。無爽燕閒之喜。伏惟某官言爲著蔡。行應準繩。茂勤烈于三朝。聳儀刑于四海。仲山之明。且哲。宜保令名。魯公之壽。而臧。永膺全福。更冀上爲邦國善保。寢興禱頌之誠。敘陳罔旣。



賀韓相公啓

伏審入膺典冊首秉鈞衡凡在生靈孰不慶幸伏以  
史館相公言爲著蔡行應準繩仔肩一德之純彌亮  
三朝之盛君牙之纘舊服世濟忠勞吉甫之憲萬邦  
身兼文武果還柄用復冠中台茂惟拔出之材素蘊  
非常之略方且誼■王室盡邴魏之謀謨澤潤生民  
本蕭曹之清靜遂長生於百姓付衆職於羣能躋世  
太和與人休息使雨暘寒燠罔不從時草木蟲魚皆  
當蒙惠聲教可加于異俗功名必紀于無窮鞏一去



朝行六更歲序。顧茲舊物。自慚簪屨之微。保是孤生。  
方賴陶鈞之賜。其爲忻忭實倍等倫。

誼

原作  
誼形



賀韓相公赴許州啓

伏審遠持信瑞入奉清閒假泰筮以諏辰命倌人而  
飭駕百靈奔衛宜無陟降之勞六氣節宜當遂神明  
之適伏以判府相公才爲人傑行備天常出堯舜之  
盛時紹韋平之慶閼忠純之操簡注于三朝愷悌之  
風儀刑于四海比較廟堂之任少留藩輔之雄力抗  
至言屢辭於榮祿眷求舊德方屬于上心用均邊閫  
之勤更易鄉邦之便倅革金厄已嚴入覲之裝袞衣  
繡裳行允公歸之望佇膺典冊首秉鈞衡鞏處勢多

貼切典雅



奇誤知最久。持心素厚。未忘墜屨之微。引脰永懷。已  
動掃門之喜。更冀上爲宗社善保寢興。



與定州韓相公啓

伏念輦轉走江湖、推移歲月、望門牆而旣遠、通書問以無緣、茲者蒙易近藩、匪遙台席、雖未得就諸生之列、請益于詩書、猶足以聞長者之風、仰高于道、誼始敢修、牋記參候之禮、庶幾將心誠、饑渴之勤、載省孤蒙、實爲幸會、屬晏陰之在序、當嚴氣之方升、仰惟吐納之宜、無爽燕閒之喜、伏惟判府相公言爲著、蔡行應準繩、茂勞烈于三朝、聳儀刑于四海、韓侯之偉革金厄、暫殿方維、周公之袞衣、繡裳佇還、鈞軸更冀上



爲邦國善保寢興禱頌之誠序陳罔旣

爲邦國善保寢興禱頌之誠序陳罔旣  
陳之宜無爽燕聞之喜升卦陟陟公言爲善蔡台  
寒實然幸會繼是劍之玉帛當觀康之式長咄咄也  
其意烈晴參對之無無與後心歸猶聞之謹謹告厥  
民賴益于新普敵民以問其善之風時高于謹當就  
以無絲茲昔業長茂蕃錫錫台報報未得報報主之  
外余輩轉去玉昭華絲絲以望門識而預慶嚴書問  
與安州韓公



與北京韓侍中啓一

伏念輦顧以諸生守茲劇郡。撫敝封之云始。望仁境以非遙。恨無羽翼之飛馳。與操几杖。欲以緘滕之託。寓聊布腹心。然而治獄訟之浩煩。振紀綱之弛壞。覺形勞之少暇。信才短以難周。致是懇誠稽于進達。屬高秋之在序。惟坐鎮之多餘。必有祺祥來寧。動履伏以留守司徒太師侍中。著龜四海。柱石三朝。有太平之功。周公之所以勤王室。有統一之德。伊尹之所以格皇天。固已書在宗彝。藏之盟府。而乃以退爲進。處







與韓侍中啓二

伏念鞏習吏非長得州最劇耗神明於簿領疲精思  
於追胥尚恃餘庥幸無曠事然而塞茅心而已甚飾  
竿牘以未遑故魂爽雖驚于門閤而候問不通于幕  
府仰繫明恕終賜矜容今者北土蚤霜晏陰始肅伏  
惟順天時之常序養浩氣之至和神明所依福祿來  
萃恭以司徒太師侍中股肱三世龜鑑四方勤勞著  
於邦家功德施于社稷方且斂嘉謀于一面鬱羣望  
者五年郭令之繫安危素形公論周公之爲左右宜



冠本朝。華夏蠻貊之傾心。昆蟲草木之望賜。豈伊蓂  
質。獨注微誠。伏惟上爲宗祏。善調寢餼。



賀趙大資致政啓

竊審進秩宮朝歸榮里閤伏惟慶慰恭惟致政宮保  
大資言爲著蔡行應準繩肩一德以在躬歷三朝而  
遇主讜言大論著在朝堂善政流風被于藩服引年  
求謝抗疏彌堅屢降德音方倚老成之重難回壯節  
閔有官職之勞躡陞儲家之華退遂家居之樂門開  
祖帳衆歎大夫之賢庭列賜車自知稽古之力惟能  
諧于素志實何愧于昔人鞏密荷陶鈞與遊門館觀  
大賢出處之迹足勸士倫知儒者進退之宜敢忘師



曾文定公集 卷十一  
慕其爲忻躍倍邁等儔

回李清臣范百祿謝中賢良啓

竊以設科以求特起之材發策以訪可行之論是惟  
高選果得異能伏以賢良某官志敏以強詞嚴而瞻  
迹前世之事而博極羣書議當今之宜而常引大體  
及親承于聖問遂絕出于時髦方喜聞風遽蒙枉記  
仰惟謙抑之過第集感銘之深



賀蹇周輔授館職啓

竊審奉被詔函進登史觀伏惟慶慰竊以安撫運使  
學士材資秀特識度淹冲富華國之懿文抱據經之  
宿學一人嗟異欲相如之同時多士推先服桓榮之  
稽古果繇時望特被朝恩流馬木牛方佐中都之費  
金匱石室遂窺廣內之書竊惟寵數之行茲實要途  
之漸佇躋法從敦協僉言輦獲在下風側聞成命分  
符海徼幸依德庇之餘寓直書林更託雋遊之末其  
爲欣慶曷可縷陳



曾文定公集 卷十一  
回許安世謝館職啓

伏審顯承詔檢進踐書林伏惟慶慰國家聚四部之  
書藏之秘近擇一時之俊任以校讐映朝序以甚清  
簡上心而滋厚恭以校正學士學深而富識大以明  
擢平津於廷中蔚爲首選賴王祥於海上休有治功  
天衢寢亨時望攸屬遂膺給札之召來賁登瀛之遊  
侍從邇班廟堂大任自茲而往計日可期承遠貺于  
珍函第仰懷于謙德



回陸佃謝館職啓

伏審祗膺詔檢入踐書林伏惟慶慰伏以侍講學士  
敏識兼人英辭華國翰林子墨之賦蚤擅貴名玉杯  
繁露之篇多明大義豈獨坐收于士望固能自結于  
主知特啓書筵密鄰禁戶凡將急就之字已賴發明  
廣內石室之藏更資是正茲惟異選奚測遠塗方喜  
託於餘光遽先承於華問燁如黼藻實駭于彌文沛  
若江河更欽于善下其爲感幸曷罄敷陳



同人謝館職啓

伏審試藝禁林、陞華儒館、伏惟慶慰。伏以都官學士、  
英材傑出、玉璞渾成、邁時運之光華、奮文章之溫雅、  
第榮科于祕殿、蚤邁等倫、陞撫仕于本朝、薦騰譽望、  
較雕龍之麗藻、列架輦之祕局、果被明緡、式符輿頌、  
方展騰書之好、遽蒙削牘之私、仰服謙撝、退深感戢、



賀東府啓

伏觀十月二十三日麻制伏審史館相公登庸天下  
幸甚伏惟史館相公言爲著蔡行應準繩兼文武之  
闕材富天人之奧學神祇幽贊遭聖賢相得之時夷  
夏聳觀備君臣咸有之德果繇樞軸首秉鈞衡實惟  
不世之姿深達當今之務必且開公平之路以序進  
羣能銷壅蔽之萌以廣延衆論以寬大爲拯救瘡痍  
之要以安靜爲休息疲瘵之端絀聚斂之無名偃甲  
兵而不用果推此道以澤吾民食味別聲之倫舉皆



受賜殊鄰絕黨之俗。孰不嚮風。福祿可等于丘山。功名必永于金石。輦蚤遊墻屏。幸遇陶鎔。齟齬餘生。始免擠排之患。零丁滯迹。漸期亨泰之來。想望門闌。以忻以躍。



授中書舍人謝啓

右鞏伏蒙制命授前件官者竊以贊爲名命資討論  
潤色之工服在從官備諏度詢謀之用屬非常之興  
運經不世之大猷方追三代之風以建一王之法其  
于講求體要討正典章出獨斷之淵深號積年之希  
濶所以訓齊羣下播告四方非究極于人文曷宣明  
于上意矧參獻納尤愼選掄如鞏者識慮少通襟靈  
多蔽徒恐隳於先緒頗能味於經言有顓愚好古之  
心自知迂散無廣博爲人之學分甘棄捐顧齒髮之



已○衰○困○風○波○而○且○久○晚○逢○真○主○獨○賜○誤○知○取○於○寡○與○  
之○中○假○以○踰○涯○之○寵○俾○專○史○法○非○薄○質○之○能○堪○遂○掌○  
訓○辭○豈○謏○能○之○可○稱○况○策○名○於○近○要○預○責○實○於○論○思○  
揣○已○以○慚○瘝○官○可○畏○何○緣○致○此○固○有○繇○然○茲○蓋○伏○遇○  
某○官○翼○亮○天○工○彌○綸○庶○務○仁○接○於○物○每○樂○育○於○時○材○  
誼○在○承○君○故○旁○招○於○衆○俊○致○茲○頑○鈍○獲○備○甄○收○惟○殫○  
許○國○之○誠○彌○堅○素○志○庶○達○知○人○之○遇○不○在○他○門○

本軍外樂歸命對前升官本以贊武合命資指歸  
對軍書合人備習



回傳侍講啓

伏審祗膺詔檢入奉經筵伏惟慶慰伏以某官秉德粹冲受材閎廓邁盛辰而開迹席臚仕以陞華善政流風已推行于民上高文大策久聳動于朝端果允僉言特膺迅用從容帝幙方演暢于微言密勿禁林佇裁成於明命自聆拜寵方念騰書辱見獎於舊遊遽先流于華問欣愉感幸交集悃誠



代人謝余侍郎啓

伏念某歸而閒處時所背馳功名之無期嗟志意  
之空大言當世之事懼尚口而更窮求後人之知因  
著書而自見疎濶已甚抵棄未能輒布聽聞方虞訶  
譴屬小兒之過拜辱餘論之見存指瑾掩疵大爲之  
地憫窮悼屈勤出於衷省枯槁之姿力乖報德激衰  
殘之氣感欲忘身瞻風采之夙遙役魂神而飛去尚  
當益壯以塞誤知



賀轉運狀

伏審祇奉詔封就更使節伏惟慶慰伏以運使司封  
受材閱遠植性粹冲風猷爲世之表儀治行迺時之  
軌則果用詳刑之最來分將漕之權威名已動於連  
城惠術行周於比戶豈止調盈虛于歲計內足邦儲  
方且知緩急于人情下流主澤然後進陪侍從入奉  
詢謀在公論以猶稽實輿誠之所係輦備官於此託  
庇云初將承望于餘光但忻愉于孺思屬祁寒之在  
序諒福履之保和敢冀上爲朝廷善調興寢禱頌之







太平州回轉運狀

伏念鞏夙惟孤質，最荷誤知。屬仗節以來，思得通名而覲止。辱爲殊禮，尤出過恩。委曲拊循，丁寧顧訪。軫艱難於卽路，則許之假寵於舟艫。閔匱乏於騰裝，則期以致憐於教墨。側思寒陋，何用克堪。聚集感慚，豈勝指數。去違再宿，懷嚮兼年。伏惟通久，禱于萬靈。享洪休于百順，竊以運使郎中受材闕廓，經德粹冲。布盛府之詔條，樹外臺之風績。洽于人望，簡在天心。行被命書，卽膺遠用。伏惟順遵氣節，安養寢興。



太平州與本路轉運狀

伏念更移歲序，阻越道途，音塵莫及於賓階，書問不通於記室。飛馳精思，僣仰風威。伏惟順履，川流安行。舟御享神明之協相，具福祿之來成。伏以運使郎中德紹家聲，才周世用。雋望傾乎天下，壯猷藹于朝端。建使者之節旄，宣揚惠澤。佐大農之計策，蕃長貨財。拊勞烈以甚隆，席寵靈而宜厚。竚膺詔召，以協輿言。伏惟上爲朝廷，善綏寢饋。



越州賀提刑夏倚狀

伏審祇奉詔封榮分使節，伏惟慶愜。伏以提刑屯田，抱材精敏，涵德粹溫，文章爲國之光華，治行廼時之表則，輟于朝著，處以使臺。士望藹然，時名藉甚。官用視年之豐耗，已實倉儲；邦刑以世而重輕，竚清獄繫。使仁聲之旣洽，則囂訟之可無。然後入奉命書，進陞法從。在于公議，實允輿情。鞏於此備官，云初託庇。喜趨風之甚邇，諒考履之惟和。更冀副上倚毗，順時調護。其爲禱頌，曷究敷陳。



賀提刑狀

右伏審祇奉詔恩、總持使務、伏惟慶慰、伏以提刑屯  
田躬高明之德、席熙盛之期、起收科策、光映朝序、發  
明吾道、則有文章之深淳、推行當時、是爲治行之尤  
異、果膺迅用、以允僉言、自江之東、握節而使、固將粹  
美于風俗、豈特是正于刑書、不次之陞、爲端於此、輦  
獲分郡寄、得與公麻、幸喜之深、敘陳罔旣、



襄州同相州韓侍中狀

右輦僻守陋邦遠違嚴屏永言嚮慕但傾茅塞之心  
自便退藏莫持竿牘之間敢期賜教出自過恩形意  
愛之拊循枉題評之獎引譬如寒谷幸蒙六律之吹  
有若秋毫遂借千鈞之重祕藏巾笥銘鏤肺肝惟偃  
息于便藩素充盈于浩氣百神所相萬福來綏伏以  
司徒侍中行應準繩言爲著蔡肩一心之忠誼彌三  
后之謀謨安社稷之元勲傳於竹帛被華夷之盛德  
布在管絃方且辭鈞軸於廟堂擁旌幢于鄉國然而



曾文定公集 卷十一  
人詠方叔克壯元老之猷時思謝安出慰蒼生之望  
宜就贊書之拜佇諧華袞之歸

賀北京留守韓侍中正旦狀

右輦伏以歲起於東茂對三陽之盛物生於震聿開  
萬化之端伏惟某官行應中和道函純粹屬四方之  
係望簡三后之眷懷德爲民彝故稱宗廟之器功在  
王室是爲社稷之臣順履昌期具膺繁祉佇奉承于  
典冊復登翊于巖廊輦限守印章阻趨牆屏仰望威  
重不任禱頌之至



賀鄆州邵資政改侍郎狀

右輦竊審祇被明縉進陞寵秩伏惟慶慰伏以安撫  
資政侍郎材經世務文擅國華攀日月之高衢踐機  
衡之要地方兼榮于祕殿用均逸于价藩屬時靖嘉  
維上豫動訪昔遊於博望懷舊學於甘盤廼陞宗伯  
之聯居貳卿曹之重惟隆名異數之錫已絕當時固  
元勲盛德之殊豈稽圖任佇還柄用式允輿情馳慶  
末繇依歸滋劇

昔原作若



同樞密侍郎狀

伏念鞏久茲外補利在退藏一切不爲京師之書以此亦疎左右之間分當棄置理絕收憐豈期尚記于姓名特賜親紆于翰墨處大寒而不變乃知松柏之堅兼庶類而並容則維江漢之廣孤懷易感重誼難忘但注仰於門闌實鏤銘於肺腑今者景風扇物畏日御纏伏惟襄贊萬幾順膺百福敢覬上爲邦國善保寢興禱頌之誠指陳難旣



回運使郎中狀

伏念輩仰高所至，馳思爲深，戀勢之殊，屬書以進，枉過恩之特厚，流華問以見存，文辭爛然，意氣勤甚，雖德心之大，遺名秩以自謙，而士品之微，顧材資而安稱，其爲佩服曷罄，指陳急景，云初祁寒將盛，伏惟遵道塗之易，詢采於風謠，察閭里之勤，布行於德惠，神靈所護，福祿攸宜，恭以運使郎中材足兼人，志存及物，出高明之慶，族接熙洽之盛，期通班于朝，揭節而使，自簿書期會之纖，悉莫不注心，至山巖窟穴之幽。



曾文定公集 卷十一  
深舉皆受賜足以救一時之敝故能得萬事之宜休  
聲所歸遠用行及伏惟遵時之順養氣以恬庶允輿  
人之情不違拙者之望

賀杭州趙資政冬狀

右輦竊以布律而候氣萌動于黃鍾立表以須影長  
至于南極伏惟知府資政受材闕廊含德粹純壯京  
國之大猷儕格天之盛業履茲令序茂集休祺典冊  
袞衣竚復三公之位旂常鼎鼐當傳萬世之功輦祗  
服官箴遠違門著素積依歸之望彌深禱頌之勤



回亳州知府諫議狀

右○鞏○伏○念○自○違○牆○屏○寢○易○歲○時○比○潛○伏○於○外○邦○久○棄○  
捐○於○人○事○雖○鄉○往○之○意○不○暫○弭○忘○而○參○動○之○勤○至○于○  
曠○絕○敢○謂○曲○敦○雅○舊○尚○記○庸○虛○賜○勞○問○於○華○牋○致○恩○  
勤○於○親○筆○文○如○黼○藻○加○一○字○以○爲○榮○操○若○松○筠○貫○四○  
時○而○不○改○以○慚○且○感○欲○報○奚○言○今○者○竊○審○固○避○機○衡○  
出○臨○屏○翰○始○敢○瀝○茅○心○之○至○懇○具○竿○牘○之○常○儀○少○贖○  
曠○疎○覲○蒙○開○察○蓋○天○時○之○迭○運○屬○春○令○之○方○行○伏○惟○  
開○閤○之○初○偃○藩○甚○樂○休○有○神○明○之○助○茂○臻○福○履○之○宜○



鎮撫名城。暫屈承流之寄。旋歸宰路。圻廛圖舊之求。更惟上爲宗祊。善調寢餼。禱頌之至。但切下情。

到任謝職司諸官員狀

右輦比者。祇命守邦。涓辰視事。維是孤蒙之質。幸依庇冒之餘。竊輦材不逮人。學多泥古。久備官于冊府。徒竊食于累朝。茲假便藩。實緣私請。伏遇某官體仁爲任。充美在躬。素自結於主知。方出宣於使指。斂時利澤。播在東南。籍甚休聲。洽于中外。顧忝屬城之任。實諧德宇之依。尚阻參承。但深忻忭。



福州回曾侍中狀

右輦伏念自遠門闌薦更時序顧茲艱拙利在退藏  
雖有心誠嚮往之勤而無書記候問之禮敢期眷與  
特賜誨存獲承黼藻之褒彌見松筠之操其爲感激  
但切銘藏屬凝沍之在辰惟燕閒之均福伏以致政  
太傅侍中素推人傑蚤代天工意誠心正而家齊已  
儀刑于王室功成名遂而身退遂表則于士倫耶曼  
衍以窮年坐優游而進道矧臧孫之有後繼周公之  
拜前阿衡之格於天書載君臣之德司徒之善其職



詩稱父子之功。方賴壯猷。陰禪至治。更冀上爲邦國。善保寢興。禱頌之誠。不勝懇悃。

移亳州同人賀狀

右鞏比緣懇請得假善藩。旣諧竊祿之私。實獲養親之便。慚無善政。可稱厚恩。豈謂某人。特枉緘封。曲垂獎錄。言爲黼藻。飾陋質以爲榮。操若松筠。處大寒而不變。其爲感愧。曷盡指陳。惟溽暑之方隆。諒燕居之多適。更祈保攝。用竚遷陞。



東府賀冬狀

右輦伏以氣動於微升一陽而方長物資其始萌萬  
寶於將亨伏惟某官行蹈中庸業存久大爲生民之  
著蔡任王室之股肱四岳之亮天工其凝庶績百揆  
之熙帝載攸敘彝倫茂對休辰具膺繁祉輦方祗官  
次阻詣門闌

西報賀冬狀



西府賀冬狀

右鞏伏以物資其始萌萬寶於將亨氣動於微升一陽於方長伏惟某官業存久大行蹈中庸爲著蔡於生民任股肱於王室共武之服久專總於樞機秉國之均佇首當於衡軸對休辰而茂協膺繁祉以具宜鞏限守此邦末緣爲壽



同人賀授史館修撰狀

右鞏誤被上恩，進專史事，顧慚孤陋，曷稱選掄。伏念  
鞏齒髮蚤衰，材質素薄，差池一紀，久流落於風波。推  
徙七州，寢沈迷於簿領，詎期皓首，獲奉清光。拔于多  
士之中，寵以非常之遇，惟累朝之盛典，垂列聖之洪  
名，宜得異能，使之實錄，豈伊鄙鈍，可盡形容。懼莫副  
於簡求，方內懷於兢愧，敢意眷私之厚，特迂慶問之  
勤，矧獎飭之踰涯，俾夤緣而借重，其爲感幸，難旣敷  
陳。



回人賀授舍人狀

叨奉制恩，進登詞掖，誤蒙任屬，私積兢慚。輦器識少，通性資多，蔽非有爲人之學，徒堅好古之心。矧齒髮之已衰，困風波而且久，晚逢真主，獨賜重知。取於寡與之中，假以踰涯之寵。甫專史筆，遂掌訓辭。惟清切之近班，實論思之要地。方驚冒處，良用懽顏。未遑削牘之勤，遽辱騰書之貺。其爲感佩，曷罄敷陳。風雲

回人賀授舍人狀















